

中國東方文化研究會歷史文化分會策劃
四庫全書存目叢書補編纂委員會編纂
北京愛如生文化交流責任有限公司贊刻

齊魯書社出版

四庫全書存目叢書補編

第一七冊

補編第十七冊目次

唐詩紀一百七十卷(二)

(明)黃德水 吳琯等輯
北京大學圖書館藏明萬曆十三年刻本

.....

唐詩紀一百七十卷(二)

〔明〕黃德水 吳琯等輯

北京大學圖書館藏明萬曆十三年刻本

盛唐第四

唐詩紀六十四

鄆郡吳中珩纂
東吳俞策同校

張子容

先天二年進士爲樂城尉與孟浩然友善

春江花月夜二首

林花發岸口氣色動江新此夜江中月流光花上

春分明石潭裏宜照浣紗人

交甫憐瑤珮仙妃難重期沈沈綠江晚惆悵碧雲

姿初逢花上月言是弄珠時

詩紀

盛唐卷之四

雲陽驛陪使君邵道士夜宴

一尉東南遠誰知此夜歡諸侯傾臯蓋仙客整黃

冠染翰燈花滿飛觴雲氣寒欣承國士遇更借美

人看

除夜樂城逢孟浩然

遠客襄陽郡來過海岸家樽開柏葉酒燈發九枝

花妙曲逢盧女高才得孟嘉東山行樂意非是就

繁華

送蘇倩遊天竺

靈異尋滄海笙歌訪翠微水鷗迎共一作狎雲鶴
待將飛琪樹嘗仙果瓊樓試羽衣遙知神女問獨
恠阮郎歸

泛永嘉江日暮廻舟

無雲天欲暮輕一作鷁大江清歸路煙中遠廻舟
月上行傍潭窺竹暗出嶼見沙明更值微風起乘
流絲管聲

永嘉卽事寄贛縣袁少府瓘

山繞樓臺出谿通里閤斜曾爲謝客郡多有逐臣
詩紀 盛唐卷之四 二

家海氣朝成雨江天晚作霞題書報一作此濕似
長沙

樂城歲日贈孟浩然一作王維詩

土地窮甌越風光肇建寅插桃銷瘴癘移竹近堦
墀半是吳風俗仍爲楚歲時更逢習鑿齒言在漢

川湄

永嘉作

拙宦從江左投荒更海邊山將孤嶼近水共惡谿
連地濕梅多雨潭蒸竹起煙未應悲晚髮炎瘴苦

華年

送孟浩然歸襄陽

東越相逢地西亭送別津風濤看解纜雲一作海
去愁人鄉在桃林岸山一作連楓樹春因懷故園
意歸與孟家鄰

貶樂城尉日作

竄謫邊窮海川原近惡谿有時聞虎嘯無夜不猿
啼地煖花長發巖高日易低故鄉可憶處遙指斗
牛西

詩紀

盛唐卷之四 三

自樂城赴永嘉枉路泛白湖寄松陽李少府

西行礙淺石北轉入谿橋樹色煙輕重湖光風動
搖百花亂飛雪萬嶺疊青霄猿掛臨潭篠鷗迎出
浦橈惟應賞心客茲路不言遙

九日陪潤州邵使君登北固山

五馬向西椒重陽坐麗譙徐州帶綠水楚國在青
霄張幕連江樹開筵接海潮凌雲詞客語迴雪舞
人嬌一作梅福慙仙吏羊公賞下僚新豐酒舊美

況是菊花朝

壁池望秋月

涼夜窺清沼池空水月秋滿輪沈玉鏡半魄落銀
鉤蟾影搖輕浪菱花渡淺流漏移光漸潔雲歛色
偏浮似璧悲三獻疑珠怯再投能持千里意來照
楚鄉愁

長安早春

又作孟浩然詩

開國維一作後

東井城池起一作對

北辰咸歌太平日

共樂建寅春雪盡黃一作青

山樹冰開黑水津一作濱

詩紀

盛唐卷之四

四

草迎金埒馬花伴一作醉

玉樓人鴻漸一作無數鶯歌

聲

聽欲頻何當桂枝擢還及柳條新

贈司勳蕭郎中

作相開黃閣爲郎奏赤墀君臣道合體父子貴同
時國以推賢答家無內舉疑鳳池真水鏡蘭省得
華滋未覩風流日先聞新一作所賦詩江山清謝眺
花木媚丘遲吏部來何暮王言念在茲丹青無不
可霖雨亦相期昔我投荒處孤煙望島夷羣鷗終
日狎落葉數年悲漁父舊歌詠江妃入興詞今將

獻知己相感勿吾欺

巫山

巫嶺岩巖天際重佳期宿昔願相從朝雲暮雨還
天暗神女知來第幾峯

盧鴻

新唐書云字顥然其先范陽人徙洛陽博學善書善畫盧山開元初徵至東都謁見

不拜字相道開元中禮部尚書忠信之薄臣敢以忠信見召升內殿賜膳居殿中營草還山成給米絹又賜隱居服官營草堂恩禮殊渥舊唐書作盧鴻一

嵩山十志十首

并序

草堂

詩紀

盛唐卷之四

五

草堂者蓋因自然之谿阜前當壩而資人力之
締構後加茅茨將以避燥濕成棟宇之用昭簡
易叶乾坤之德道可容膝休閑谷神同道此其
所貴也及靡者居之則妄爲剪飾失天理矣詞
曰
山爲宅兮草爲堂芝蘭兮約房羅靡蕪兮拍薜荔
荃壁兮蘭砌靡蕪薜荔兮成草堂陰陰邃兮馥馥
香中有人兮信宜常讀金書兮飲玉漿蕭蕭幽操
兮不易長

倒景臺

倒景臺者蓋太室南麓天門右崖傑峯如亭氣
凌倒景登路有三處可憩或曰三休臺可以逸
馭風之客會絕塵之子超逸真盪遐襟此其所
絕也及世人登焉則魂散神越目極心傷矣詞
曰

天門豁兮僊臺聳傑屹崕兮零瀕湧窮三休兮曠
一觀忽若登崑崙兮中期汗漫僊聳天開兮倒景
臺嶺顚氣兮軼囂埃皎皎之子兮自獨立雲可朋

詩紀

盛唐卷之四

六

今赧可吸曾何榮辱之所及

樾館

樾館者蓋卽林取材基顛柘架茅茨居不期逸
爲不至勞清談娛賓斯爲尚矣及盪者鄙其隘
聞苟事宏洵乖其賓矣詞曰

紫巖隈兮青磎側雲松煙薦兮千古色芳霏靡兮
陰蒙龍幽人構館兮在其中蘿靡蒙龍兮開樾館
卧風霄兮坐赧一作且粵有賓兮時戾止樵蘇不
爨兮清談已永歲終明兮常若此

枕煙庭

枕煙庭者蓋特峯秀起意若枕煙祕庭凝虛宵
若仙會卽楊雄所謂爰靜神游之庭是也可以
超絕紛世永潔精神矣及機士登焉則寥聞愴
恍愁懷情累矣詞曰

臨泱泱兮背青熒吐雲煙兮合宵冥悅歎翕兮沓
幽靄意縹緲兮羣仙會宵冥僊會兮枕煙庭竦魂
形兮疑視聽聞夫至誠必感兮祈此巔契一作顯
氣養丹田終彷彿兮觀靈僊

詩紀

盛唐卷之四

七

雲錦淙

雲錦淙者蓋激溜衝攢傾石叢倚鳴湍疊濯噴
若雷風詭輝分麗煥若雲錦可以瑩發靈矚幽
翫忘歸及匪士觀之則反曰寒泉傷玉趾矣詞
曰

水攢衝兮石叢聳煥雲錦兮噴洶湧苔駁犂兮草
黃緣芳羃羃兮瀨濺濺石攢叢兮雲錦淙波連珠
兮文沓絳有潔冥一作者媚此幽漱靈液兮樂天
休實獲我心兮夫何求

期仙磴

期仙磴者蓋危磴穹隆迴接雲路靈仙髣髴若
可期及儒者毀所不見則黜之蓋疑氷之談信
矣詞曰

霏微陰壑兮氣騰虹迤邐危磴兮上凌空青霞杪
兮紫雲垂鸞歌鳳舞兮吹參差鸞歌鳳舞兮期仙
磴鴻駕迎兮瑤華贈山中人兮好神仙想像聞此
今欲升煙鑄月煉液兮竚還年

滌煩磯

詩紀

盛唐卷之四

八

滌煩磯者蓋窮谷峻崖發地盤石飛流攢激積
漱成渠澡性滌煩迴有幽致可爲智者說難爲
俗人言詞曰

靈磯盤礴兮溜奔錯漱冷風兮鎮冥壑研苔滋兮
泉珠潔一飲一憩兮氣想滅磷連清滓兮滌煩磯
靈仙境兮仁智歸中有琴兮微以玉峨峨湯湯兮
彈此曲寄聲知音兮同所欲

羣翠庭

羣翠庭者蓋崖巖積陰林羅沓翠其上緜羣其

下深湛可以王神可以冥道矣及喧者遊之則
酣譁永日汨清薄厚詞曰

青崖陰兮月澗曲重幽疊邃兮隱淪躅草拊緜羣
今翠蒙龍當其無兮庭在中當無有用兮羣翠庭
神可谷兮道可冥有幽人兮張素琴皇微兮綠水
陰德之愔兮澹多心

洞元室

洞元室者蓋因巖作室卽理談玄室返自然元
斯洞矣及邪者居之則假容竊次妄作虛誕竟

詩紀

盛唐卷之四

九

以盜言詞曰

嵐氣肅兮巖翠冥空陰虛兮戶芳迎披蕙帳兮促
蘿筵談空空兮覈元元蕙帳蘿筵兮洞元室祕而
幽兮直可古返自然兮道可冥澤妙思兮草玄經
結幽門兮在黃庭

金碧潭

金碧潭者蓋水潔石鮮光涵金碧巖葩林蔦有
助芳陰鑒洞虛道斯勝矣而世生纏乎利害
則未暇遊之詞曰

水碧色今石金光灩炤炤今湊湊湊泉葩映今煙
薦臨紅灼灼翠陰陰翠相鮮今金碧潭霜天洞今
煙景涵有幽人今好冥絕炳其煥今疑其潔悠悠
千古今長不滅

李適之

本傳云一名昌恒山王承乾之孫神龍初拜左衛郎開元中歷官至刑部尚書雅好賓客飲酒一斗不亂天寶中為左相累封清和縣公與李林甫不叶為其陰中罷知政事生事貶宜春太守仰藥死

朝退

朱門長不開親友恣相過年今將半百不樂復作

詩紀

盛唐卷之四

十

待如何

罷相作

本傳云適之為李林甫所構懼不自安乃上軍政求散職以太子少保罷放然自以為免禍○本事云開元中宰相李適之跌直坦坦時客甚美李林甫惡之排誣罷免朝客雖知無罪謂其甚極適之意憤曰既罷免且為詩云云林甫愈怒終逐不免

避賢初罷相樂聖且銜杯借問門前客今朝

幾箇來

李愷

史傳云太原人以明經舉開元中為監察御史給事中天寶中轉光祿卿東京監守遷禮部尚書安祿山陷都城過官諡曰忠懿

和戶部楊員外伯成寓直
按韋綽傳有司郎郎中楊伯成
落日彌綸地公才畫省郎詞驚起草筆坐引謫天
香雙闕天河近千門夕漏長遙知臺上宿不覺有
文強

同聖幸新亭賜錢公宴

感夢通玄化覃恩降紫宸賜錢開漢府分帛醉堯
人地隔朝宗慶亭臨卜洛新行看廣雲雨二月次
東巡

詩紀

盛唐卷之四

十一

中春聖之竹應制

別館春還淑氣催三宮路轉鳳凰臺雲飛北闕輕
陰散雨歇南山積翠來御柳遙隨天仗發林花不
待曉風開已知聖澤深無限更喜年芳入睿才

蕭華

徐國公高子開元中為給事中入寶大累轉兵部侍郎上元初拜中書侍郎平章事後貶陝州司馬卒見父高傳

扈從迴鑾應制

粵在一作秦京日議乎封禪難豈知陶唐王道濟
蒼生安惟彼烈祖事增修建榮觀聲名朝萬國王

帛禮三壇纂聖德重光建元功載刊仍開一作舊
馳道不記昔廻鑾羽衛一作搖晴日弓戈生早寒
猶思檢玉處却望白雲端

崔宗之

名成輔以字行齊國公日用之于少饒父尚知學覽博有風舉韓朝宗薦之干朝開元中歷左司郎中侍御史後謫金陵與李白詩酒倡和

贈李十二白

涼風八九月白露空園庭耿耿意不暢捐捐一作稍稍

風葉聲思見雄俊士共話今古情李侯忽來儀把

袂苦不早清論既抵掌玄談又絕倒分明楚漢事

詩紀

盛唐卷之四

十一

歷歷王霸道擔囊無俗物訪古千里袖有七首

劍懷中茂陵書雙眸光照人詞賦凌子虛酌酒弦

素琴霜氣正凝潔平生心中事今日爲君說我家

有別業寄在嵩之陽明月出高岑清谿澄素光雲

散牕戶靜風吹松桂香子若同斯遊千載不相忘

陳希烈

名元傳云宋州人開元中累遷集賢院學士兼崇文館大學士李林甫引與共政遷左丞相封許國公林甫居位久不爲烈左右焉祿山亂相賊肅宗立賜死

賦得雲生棟梁間

一片蒼梧意氛氲生棟梁下簾山足暗開戶日添

光偏使衣裘潤能令枕簟涼無心伴行雨何必夢荆王

奉和聖製三月三日

上巳迂龍駕中流泛羽觴酒因朝太子詩爲樂賢

王錦纜方舟渡瓊筵太樂張風搖垂柳色花發異

林香野老歌無事一作無公事朝臣飲歲芳皇情被羣

物中外洽恩光

省試白雲起封中

千年泰山頂雲起漢王封不作奇峯狀寧分觸石

詩紀

盛唐卷之四

十一

容爲霖雖易得表聖自難逢冉冉排空上依依疊

影重素光非曳練靈旣是從龍豈學無心出東西

任所從

崔惠童

紀事云尚明皇晉國公主

宴城東莊

一月人生

一作主人笑幾回相逢相識一作且銜杯眼

看春色如流水今日殘花昨日開

崔敏童

紀事云惠童兄也

宴城東莊

一年始有一年春百歲曾無百歲人能向花中幾

回醉十千沽酒莫辭貧一作頻

李休烈開元中為洛陽尉

毀天樞

唐新語云長壽三年則天徵天下銅五十餘萬勅鐵一百二十萬餘勅於定鼎門內鑄八
後銅注紀革命之功開元中詔毀天樞發卒
踏樂彌月不盡休烈賦詩以詠之云云先有
說言云一條麻線挽天樞言其不經
久也故休烈詩及之士庶莫不誦詠

天門街上倒天樞火急先須卸火珠計合一條麻

線挽何勞兩縣索人夫

詩紀

盛唐卷之四

十四

高力士

宦者傳云高力士為宮闈承宣高力士
子政其姓為宮闈承宣高力士
一傾心附結先天中知內省事從帝幸蜀封高
國公肅宗立除籍長流巫州寶應元年赦還
見二帝遺詔北
向哭嘔血卒

感巫州薺菜

紀事云力士謫巫州山多薺
不食因感之作詩寄意云

兩京作勛賣五谿無人采夷夏雖有殊氣味終不

改一作固

盛唐第四

盛唐第五

唐詩紀六十五

鄭郡吳中珣彙編

東吳俞策同校

儲光義

兗州人一云潤州人開元中進士謫中
書試文章歷監察御史祿山反陷賊自
歸有集七十卷○殷璠云儲公詩格高調逸
趣遠情深劉禹錫言挾風騷之迹得浩然之
氣璠嘗觀公正論十五卷九經外義疏二十
卷言博理當實可謂經國之大才又云光義
詩宏瞻綏遠務在直置○樂城遺言云
儲詩高處似陶淵明平處似王摩詰

五言古詩

野田黃雀行

詩紀

盛唐卷之五

二

嘖嘖野田雀不知軀體微閑穿深叢一作裏爭食

復爭飛窮老一積舍棄多桑樹稀無裏猶可一作何

食無桑何以衣蕭條空倉暮相引時來歸斜路豈

不捷渚田豈不肥水長路且壞惻惻與心違

樵父詞

山北饒朽木山南多枯枝枯枝作采薪斃室私自
知詰朝礪斧尋視暮行歌歸先雪隱薜荔迎暄卧
茅茨清澗日濯足喬林時曝衣終年登險阻不復
憂安危蕩漾與神遊莫知是與非

漁父詞

潭魚好鳴水谿魚好上流漁梁不得意下渚潛垂
釣亂荇時礙楫新蘆覆隱舟靜言念終始安坐看
沈浮素髮隨風揚遠心與雲遊逆浪還極浦信潮
下滄洲非爲狗行役所樂在行休

牧童詞

不言牧田遠不道牧陂深所念牛馴擾不亂牧童
心圓笠覆我首長簑披我襟方將憂暑雨亦以懼
寒陰大牛隱層坂小牛穿近林同類相鼓舞觸物
詩紀 盛唐卷之五 二
成謳吟取樂須臾間寧問聲與音

采蓮詞

淺渚荇花繁深潭菱葉疎獨往方自得恥邀淇上
姝廣江無術阡大澤絕方隅浪中海童語流下鮫
人居春秋時隱舟新萍復滿湖采采乘日餐不思
賢與愚

采菱詞

濁水菱葉肥清水菱葉鮮義不遊濁水志士多苦
言潮沒具區數潦深雲夢田朝隨北風去暮逐南

風旋浦口多漁家相與邀我船飯稻以終日
將永年方久永物窮又欲休山樊盡室相隨從所
貴無憂患

射雉詞

曝暄理新翳迎春射鳴雉原田遙一色臯陸曠千
里遙聞咿喔聲時見雙飛起暮聲疎蒿下毬毬深
麥裏顧敵乃忘生爭雄方決死仁心貴勇義豈復
能傷此超遙下故墟迢遞回高時大夫昔何苦取
笑歡妻子

詩紀

盛唐卷之五

三一

猛虎詞

寒亦不憂雪饑亦不食人人肉豈不甘所惡傷明
神太室爲我宅孟門爲我鄰百獸爲我膳五龍爲
我賓蒙 一作 馬一何威浮江一以仁彰耀朝日
爪牙雄武臣高雲逐氣浮厚地隨聲震君能賈餘
勇日夕長相親

昇天行貽盧六健

真人居闕風時奏清商音聽者卽王母冷冷和瑟
琴坐對三花枝行隨五雲陰天長崑崙小日夕蓬

萊深上由玉華宮下視首陽岑神州亦清淨要自有浮沈惻惻苦哉行呱呱遊子吟廬山逢若士思欲化黃金雨雪沒太山誰能無歸心逍遙在雲漢可以來相尋

効古二首

晨登京風臺暮走邯鄲道曜靈何赫烈四野無青草火軍北集燕天子西居鎬婦人役州縣丁男事征討老幼相別離哭泣無昏早稼穡既殄絕川澤復枯槁曠哉遠此憂冥冥商山皓

詩紀

盛唐卷之五

四

東風吹大河河水如倒流河洲塵沙有若黃雲浮頰霞燒廣澤洪曜赫高丘野老泣相語無地可陰休翰林有客卿獨負蒼生憂中夜起躑躅思欲獻厥謀君門峻且深蹀足空夷猶

雜詩二首

混沌一作還本無象末路多是非達士志寥廓所在能忘機耕鑿時未至還山聊采薇虎豹對我蹲鸞鷖驚傍我飛仙人空中來謂我勿復歸格澤爲君駕雲一作虹爲君衣西遊崑崙墟可與世人違

秋氣一作風肅天地太行高崔嵬猥狹一作馳清

其聲一何哀寂寥掩圭華夢寐遊蓬萊琪

亭玉堂雲中開洪崖吹簫管玉一作素女飄飄來

師旣先後一作道後路無纖埃鄙哉楚襄王獨

如雲陽臺一作陽臺

述韋昭應畫犀牛

遐方獻文犀萬里隨南金大邦柔遠人以之居山

林食棘無秋冬絕流無淺深雙角前斬斬三蹄下

駸駸朝賢壯其容未能辨其音有我哀烏一作哀鳳郎

詩紀 盛唐卷之五

五

新邑長鳴琴陞閣飛嘉聲仁甸盈仁一作仁閑居命國

工作繪北堂陰耽耽若有神庶比來儀禽昔有舞

天庭爲君奏龍吟

述華清宮五首

大寶六年冬十月皇帝幸驪山溫泉宮名其宮曰華清

上在蓬萊宮莫若居華清朝朝禮玄閣日日聞體

輕大聖不私已精禋爲羣氓

上出蓬萊時六龍儼齊首長道舒羽儀彤雲映前

後天聲啟宇宙眞氣到林數

昔在軒轅朝五城十二樓今我神泉宮獨在驪山
陬羣芳趨順動百辟隨天遊

正月開陽和通門緝元化穆穆睟容歸豈爲明燈
夜高山大風起肅肅隨龍駕

上林神君宮此地卽明庭山開鴻濛色天轉招搖
星三雪報大有孰謂非我靈

雜詠五首

石子松

盤石青巖下松生盤石中冬春無異色朝暮有清

詩紀

盛唐卷之五

六一

風五臘何人采西山舊兩童

駕簷藤

得從軒墀下如勝松柏林生枝逐架遠吐葉向門
深何許荅君子簷間朝暝陰

池邊鶴

舞鶴傍池邊水清毛羽鮮立如依岸雪飛似向池
泉江海雖言曠無如君子前

釣魚灣

垂釣綠灣春春深杏花亂潭清疑水淺荷動如魚

散日暮待情人維舟綠楊岸

幽人居

幽人下山徑去去夾青林滑處莓苔濕暗中蘿
深春朝煙雨散猶帶浮雲陰

題太玄觀

門外車馬喧門裏官殿清行卽翳若木坐卽吹玉
笙所喧旣非我真道其冥冥

至嵩陽觀卽天皇故宮

真人上清室乃在中峯前花霧生玉井霓裳盡列

詩紀

盛唐卷之五

七一

仙念茲宮故宇多此地新泉松柏有陰薜蘿亦
自妍一聞步虛子又話逍遙篇忽若在雲漢風中

意冷然

貽韋鍊師

精思莫知日意靜如空虛三鳥自來去九光遙卷
舒新池近天井玉宇停雲車余亦苦山路洗心祈
道書

獻八舅東歸

高位莫能捨捨之世所賢雲車遊日華豈比龍樓

前寢席乃就枕情感惟靈仙帝鴻師道宗臣彭亦
長年天書加羽服又許歸東川鏡水涵太清禹山
朝上玄誠云真混沌玉立方嬋娟素業作仙居子
孫當自傳門多松柏樹篋有逍遙篇獨往不可羣
滄海成桑田

與茗粥作

當晝暑氣盛鳥雀靜不飛念君高梧陰復解山中
衣數片遠雲度曾不蔽炎暉淹留膳茶粥共我飯
蕨薇敝廬既不遠日暮徐徐歸

詩紀

盛唐卷之五

八

泛茅山東谿

清晨登仙峯峯遠行未極江海霽初景草木含新
色而我任天和此時聊動息望鄉白雲裏發棹清
谿側松柏生深山無心自貞直

游茅山五首

十年別鄉縣西去入皇州此意在觀國不言空遠
遊九衢平若水利往無輕舟北洛反初路東江還
故丘春山多秀木碧澗盡清流不見子桑扈當從
方外求

世業傳儒行行成非不榮其如懷獨善况以聞長
生家近華陽洞早年深此情巾車雲路入理棹瑞
谿行天地朝光滿江山春色明王廷有軒冕此日
方知輕

平生非作者望古懷清芬心以道爲際行將時不
羣茲山在人境靈貺久傳聞遠勢一峯出近形千
嶂分冬春有茂草朝暮多鮮雲此去亦何極但言
西日曛

昔賢居柱下今我去人間良以直心曠兼之外視
詩紀

盛唐卷之五

九

閑垂綸非釣國好學異希顏落日登嶼悠然望
遠山谿流碧水去雲帶清陰還想見中林士巖扉
長不關

名嶽徵仙事清都訪道書山門入松柏天路涵空
虛南極見朝采西潭聞夜漁遠心尚雲宿浪跡出
林居爲已存實際忘形同化初此行良已矣不樂
復何如

述降聖觀

一山盡天苑一峯開道宮道花飛羽衛天鳥遊雲

空玉殿俯玄水春旗搖素風夾門小松柏覆井新
梧桐自昔太仙下乃知元化功神皇作桂館此意
與天通

題晤上人禪居

眞王清淨子燕居復行心結宇隣居邑寤言非遠
尋丹青丈室滿草樹一庭深秀色玄冬發交枝白
日陰江流映朱戶山鳥鳴香林獨住已寂寂安知
浮與沈

過新豐道中

一十八年
有詔稱異

盛唐卷之五

十一

詩紀
西下長樂坂東入新豐道雨多車馬道生秋
草太陰蔽臯陸莫知晚與早雷雨杳冥冥川谷漫
浩浩詔書植嘉木衆言桃李好自愧
一作無此容
歸從漢陰老

夜到洛口入黃河

河洲多青草朝暮增客愁客愁惜朝暮枉渚斷
聊停舟中宵大川靜解纜逐歸流浦溆旣清曠沿
洄非阻脩登艫望落月擊楫
一作悲新秋倘遇乘
槎客永言星漢遊

使過彈箏峽作

鳥雀知天雪羣飛復羣鳴原田無遺粟日暮清空
城達士憂世務鄙夫念王程晨過彈箏峽馬足凌
兢行雙壁隱靈曜莫能知晦明皚皚堅氷白漫漫
陰雲平始信古人言苦節不可貞

泊丹貽潘少府

時潘在
後浦

行子苦風潮維舟未能發宵分卷前幔卧視清秋
月四澤葭葦深中洲煙火絕蒼蒼水霧起落落疎
星沒所遇盡漁商與言多楚越其如念極浦又以

詩紀

盛唐卷之五

十二

思明哲常若千里餘况之異鄉別

仲夏入園中東陂

方塘深且廣伊昔俯吾廬環岸垂綠柳盈潭發紅
藻上延北原秀下屬幽人居暑雨若混沌晴明如
空虛此鄉多隱逸水陸見樵漁廢賞亦何貴爲歡
良易攄且言重觀國當此賦歸歟

山居貽裴十二迪

落葉滿山砌蒼煙埋竹扉遠懷青冥士書劒常相
依霜卧眇茲地琴言紛已違衡陽今萬里南鴈將

何歸出徑惜松引入舟憐釣磯西林有明月夜叉
空微微

秦中歲晏馬舍人宅宴集

冬暮久無樂西行至長安故人處東第清夜多新
歡廣庭竹陰靜華池月色寒知音盡詞客方見交
情難

薦玄德公廟

神道本無已成化亦自然君居寥天上德在玉華
泉真遊踐王豫永日遲雲仙表微在營道明祀將

詩紀

盛唐卷之五

十一

祈年靈山俯新邑松上生彩煙豈知天子遠去
瑤池邊

上長史王公責躬

覆舟無伯夷覆居無仲尼自咎失明義寧由貝錦
詩松柏日已堅桃李日已滋顧已獨暗昧所居成
蒺藜大賢薦時文醜婦用蛾眉惕惕愧不已豈敢
論其私方朔既有言子建亦有詩惻隱及先世析
薪成自悲靈鳥酬德輝黃雀報仁慈若公庶伏罪
此事安能遲

至嶽寺卽大通大照禪塔上溫上人

秋山下映宮官色宜朝陽迢遞在半嶺參差非一
行燕息雲滿門出遊花隱房二尊此成道禪宇造
相望鳳鐸天中鳴巖梯松下長山壑響信鼓衛薄
生蕙香起滅一以雪往來亦誠亡悲哉門弟子要
自知心長

終南幽居獻蘇侍郎三首

時拜太
祝未上

暮春天氣和登嶺望層城朝日懸清景魏駁宮殿
明聖君常臨朝達士復懸衡道近無良足歸來卧

詩紀

盛唐卷之五

十一

山楹靈堦曝仙書深室鍊金英春巖松柏秀晨路
鵲鷄鳴羽化既有言無然悲不成

中歲尚微道始知將谷神抗策還南山水木自相
親深林開一道青嶂成四鄰平明去采薇日入行
刈薪雲歸萬壑暗雪罷千巖春始看玄鳥來已見
瑤華新寄言攀芳者無乃後時人

上築青巖裏雲蘿四垂陰虛室若無人喬木自成
林時有清風至側聞樵采音鳳皇鳴南岡望望隔
層岑旣言山路遠復道谿流深倕佺空中遊虬龍